

Konkomba - Titunwanbir Nkun Uwumbor Aagban - Free from Death Scriptures

Rom Yaab 6:23 Titunwanbir aapar ye nkun la. Tidindaan Yesu Kristo pu le Uwumbor aapiin ye limofal li kaa kpa ndoon na.

Rom Yaab 8:2 Taah kpaan Yesu Kristo chee na, le Uwumbor Aafuur Nyaan aapoon tii timi limofal; Nfuur Nyaan aapoon ngbaan le nyan mi titunwanbir ni nkun aapoon ni.

2 Timoti 1:10 Dandana wee, ti kan waah ja timi tibulchinn pu na; ba pu? Yesu Kristo, u gaal timi lir na, dan dulnyaa wee ni ki nan kuln nkun, ki tii timi limofal li kaa kpa ndoon na. Waabonyaan tee le kpiir kina.

Job 5:2 Aa yaa ka dak ke ubaa aatafal aa bi aa ni ki ti kpo kan, ni ye kijork, ni maa-kpa-lan aawan le ke unii ja.

Hosea 13:14 Maan nyan binib ngbaan nkun ni, kaan nyan bi nkun aapoon ni. Nkun, li joo ni saabiil. Kitekpiitij, li joo ni saabiil. Maan ki san binib bimina kinimbaak.

Ilahn 9:13 Uwumbor, san mi kinimbaak. Lik maadim aah jan mi falaa pu na.

Job 6:26 Aa dak ke m ka pii libuln baanja la, maa len tibaa; kina kan, ba ja aa gar maasuubiin aamobon?

Job 33:22 le u gur bi ntekpiisan ni.

Esekiel 37:12,13 Kina pu na, nbr maabor tuk maanib Israel yaab, ki tuk bi ke min Dindaan Uwumbor ban m chuu biir baakaakul la. M ban m chuu nyan ni bi le ki di bi giin ni Israel aatin pu. 13 M yaa chuu biir njakaakul nj ponn ni bi di maanib sub na ki nyan ni bi kan, bi ga bee ke min le ye Uwumbor.

Matiu 27:52 Dikaakul ngem mu chuu piir, le Uwumbor aanib bi nan kpo na pam fikr nkun ni, ki nyan njakaakul ngbaan ponn ni.

Mpiin - Jenesis - 2:7 Uwumbor nan di titan ki di naan uja, le ki fuur libuln ja umofal ni, le u kpalm tiwan ni fu na.

Mpiin - Jenesis - 6:17 M ga tun ni nwam dulnyaa wee ni, mu nan bii tiwanfuirkaan momok. Tiwan nimok bi dulnyaa wee ni na ga kpo.

Mpiin - Jenesis - 7:15 nija ni nipi, ki di ja bujob ngbaan ponn ni.

Mpiin - Jenesis - 7:22 Tiwan nimok nan fuur ki bi dulnyaa wee ni na nan kpo a.

Job 12:10 Uwumbor le joo waawanaankaan aamofal; unibon mok aamofal bi uma le aapoon ni.

Job 33:4 Uwumbor Aafuur Nyaan le naan mi ki tii mi limofal.

Lituln 17:25 Uma ubaa le tii binib momok limofal, ni libuln li ti fuur na, ni tiwan momok. Waah ban pu na, u kpa. Unii yaa tun lituln tii uma Uwumbor kan, naa kpaue Uwumbor nibaa.

Tibokpiirkaan 13:15 Upeel leler ngbaan nan kpa nsan ke u cha liwaal ngbaan fuur libuln ki len tibor, le ki cha bi ku binib bimok kaa dii liwaal ngbaan na,

Jonn 10:10 Unaayuk yaa dan kan, u ban ke u su ipihi, ki ku i, ki bii i la. M dan m nan tii binib limofal li kaa kpa ndoon na la.

Aisaya 28:15 Ni bui ke nimi ni nkun ja tob kijotik aan ni ni kitekpiitij kpaan a. Ni dii inyamom ki dak ke njmann pu le ni ga njmar, ki tii naadii ke tibobir yaa fuu ni kan, ni ga nya ti ni.

Aisaya 28:18 Nimi ni nkun aah kpaan kimobaan ki na ga doo, le nimi ni kitekpiitir aakpaam na mu ga doo. Tibobir yaa fuu ni kan, ni ga kuln.

Aisaya 5:24 Kina pu na, timokuun ni ikpakpaabi aah wu mmii ni pu na, kina le nimi aanyaan ga bur, le nimi aafar mu kuur aan libuln daa ti buen, ba pu? nimi Israel yaab, ni yii Nimi Aawumbor Mpooonsakpiindaan u bi chain na aah mok timi pu na.

Joel 1:12 Ndaan aasubil aasui ni njakan momok bii doo a; le njisubil aasui momok yol ki kpoi doo. Binib momok aasuupiin doo a.

Hosea 13:15 Israel por ke timoor na la, le m tee ga cha libuln li ton ki nyan ni liwipuul wob nteersakpiin ni na dan ki nan foor baayayak aanyunbun, ni njibun. Li ga voor tiwanbankaan momok Buen.

Tibokpiirkaan 22:1 Uwumbor aatuun ngbaan nan mok mi limoal li ye limofal aanyun ki wiin chain na. Mu nyan ni Uwumbor ni Upihbo ngbaan aaborjal chee, ki puu dii kitij ngbaan aasan.

Jonn 4:10 Le Yesu bui u, "Aa yaa ba nyi Uwumbor aah tii binib pu na, ki yaa ba nyi unii u mee si nnyun na kan, aa ba ga bui u ke u tii si nnyun mu ye limofal aanyun na, le u ba ga tii si."

Jonn 4:14 Unii umok nyun maah ga tii u nnyun mu na, nnyunyuu aan ki chuu u. Maah ga tii u nnyun mu na, mu ga li ye nnyunbun mu bu u ponn ni kaan foor na, mu ga tii u limofal li kaa kpa ndoon na."

Diyatajak 13:14 Bilandam aamokm ye limofal aanyunbun mu kaa foor na la; buyoonn saamofal nan bi linimaln ni na kan, mu ga gaa si lii.

Diyatajak 14:27 Aa ban ke aa nya nkun ni ii? Li pak Uwumbor ki san u ijawaan aan ki kan limofal.

Esekiel 13:17-23 Uwumbor nan ki bui ke, "Unibon, lik bipiib bi njmal saanib ni, ki naani bibaa aabor ki joo nabr na. Len tibobir bi pu, 18 ki bui bi Bidindaan Uwumbor aah tuk bi pu na: "Bipiib, nimi aamofal junn a. Ni jal inyok aanjaagaal tii unii momok, ki jani inyok aayibubuur tii bi ke bi li joo buu aan ki li kpa binib biken aamofal pu mpooon. Ni ban ke ni li kpa limofal ni nkun aapoon maanib pu, ki li joo kina kani nimi aanyoor. 19 Ni jinn mi inimoon maanib aanimbiin ni ke ni kan njikaabim ni njiboroboro kpin siib. Ni ku binib bi kaa ba ye ke bi kpo na, le ki tee cha binib bi ba ye ke bi kpo na kpa limofal. Ni geei inyamoon tuk maanib, le bi keei tii nimi." 20 Nidindaan Uwumbor aah len pu na so: "M nan njajaagaal ni ni joo pooni nibaa ke ni di joo limofal ni nkun na. M ga daa keei ni njalaal pu ki gaa naah joo binib bi na lii. 21 M ga yir nimi aayibubuur ki cha maanib bi bi nimi aapoon ni na njmar kookoo, le ni bee ke min le ye Uwumbor. 22 "Ni joo nimi aanyamoon le yol bininyaam bi maa kpa nlandak ke m tii bi titotonn na aataakpab. Ni kii titunwanbirdam le baan njmaa di cha titunwanbir ki nya nkun ni. 23 Nimi aanyamoon aabokpiirkaan, ni tibor ti ni joo cha binib yenni isan na aabor doo a. M bi nyani maanib nimi aapoon ni, le ni ga bee ke min le ye Uwumbor."

Jeremia 21:8 Le Uwumbor ki bui mi ke m tuk binib ngbaan ke, "Li pel man, min Uwumbor ban ke ni lee isan ilee yee ponn ni mubaa la; nsan mu cha limofal ni na, ni nsan mu cha nkun ni na.

Job 34:22 Mbomboon mubaa aa bi ki boon sakpen ki ga njmaa bor titunwanbirdaan Uwumbor chee.

Ilahn 16:10 sin le kii mi nkun aapoon chee, le saan cha saah gee u na aawon bee fam kitekpiitiñ ni.

Ilahn 23:4 Uwumbor, m yaa chuun mbomboon sakpen ni kan, maan san ijawaan, ba pu? aa bi m chee. Saapihkpaajaangbeek ni lichakukul le kii mi.

Ilahn 30:3 aa nyan mi likaakul ni; m nan bi nsan ni ki cha kitekpiitiñ ni taab, le aa ki giin ni mi.

Ilahn 49:15 Le Uwumbor ga gaa mi lii, u ga nyan mi nkun aapoon ni.

Ilahn 56:13 sin le nyan mi nkun ni, kaa cha maadim nyan mi. Kina pu na, m bi Uwumbor aanimbiin ni, nwiihn mu wiin binib bi kpa limofal na ni la.

Ilahn 68:20 Timi Aawumbor le ye Uwumbor u gaal binib lir na; uma le ye Tidindaan Uwumbor u nyani timi nkun ni na.

Ilahn 89:48 Dma ga li bi kaan kpo? Unibon aan njmaa mok ke waan kpo.

Ilahn 102:19,20 Uwumbor bi waabuul li bi paacham ki bi chain na, le ki lik ni taab, u bi paacham le ki lik ni kitij taab do, 20 u njun binib bi bi tiyondir ni na aah ker idun pu na, ki gaa baah siin ke bi ku binib bi na lir.

Ilahn 116:8 Uwumbor nyan mi nkun ni; u pir maanyunyunn, kaa cha bi nyaj mi.

Diyatajek 10:2 Aa yaa di inyam'on kan liwangol kan, laa kpa si tinoor tibaa; le ibam'on ma ga nyan si nkun ni.

Aisaya 26:19 To, timi aanib bi kpo na ga ki fikr nkun ni. Biwon ga ki fikr ki li kpa limofal. Bimok do geen baakaakul ponn ni na ga fii ki gaa mpopiin aalah.

Limaln aah sonji kitij pu na, kina le Uwumbor ga fikr binib bi kpo ni yunn na.

Jonn 5:28,29 Ni taa cha nimina gar nimi man. N-yoonn choo, le binib bimok bi njikaakul ni na ga njun maaneel pu, 29 ki nyan ni. Binib bi nan tun lituln li jan dulnyaa wee ni na ga fikr ki kan limofal li kaa kpa ndoon na. Binib bi nan tun lituln li kaa jan na ga fikr ki kan ntafadaan."

Jonn 10:28 M tii maanib limofal li kaa kpa ndoon na. Baan kpo, ubaa mu aan njmaa nyan bi njaal ni.

Jonn 11:43,44 Waah len kina na, le u teen mpoon pu, "Lasarus, nya ni." 44 Le utekpiir ngbaan fikr, ki nyan ni likaakul ni. Likekeln beenin poo ujaal, ni utaa, ni unimbil wob. Le Yesu bui bi, "Chuu poor likekeln ngbaan man, ki cha u li cha."

Jonn 12:17 Kinipaak ki nan bi Yesu chee bundaln u yin Lasarus ke u nyan likaakul ni ki fikr u nkun ni na, bima le nan mooni tibor ngbaan.

Jonn 17:2 ba pu? aa ja mi binib momok Aadindaan ke m di limofal li kaa kpa ndoon na, ki di tii saah tii mi binib bi na momok.

1 Korint Yaab 15:19-26 Ti yaa kpa limakl Kristo pu dulnyaa wee ponn ni baanja kan, ti kpa kinimbaak ki jer binib momok. 20 To, ni ye mbam'on la, Uwumbor sil fikr Kristo nkun ni. Uma le ye njan aanii u puen fikr nkun ni na, le ki mok ke binib bimok kpo na mu ga nan fikr nkun ni. 21 Uja ubaa pu, le nkun bi. Uja ubaa mu pu, le binib bi kpo na mu ga fikr nkun ni. 22 Adam pu, le binib momok kpu. Kristo pu, le binib momok ga kan limofal. 23 Kina le bi ga li paa tob pu. Kristo le ye njan aanii u puen fikr nkun ni na. U yaa gir ni kan, binib bi ye uyaab na mu ga fikr nkun ni. 24 Tiwan nimina momok yaa ti ja kan, le tiwan momok ga doo. N-yoonn ngbaan le u ga kuln waadim aabon momok aapoon, ki di nnaan tii Ute Uwumbor, 25 ki ga li ye Ubor ki nan saa buyoonn u di waadim momok ja utaapatan ni na.

- 26 Kookoo aadin u u ga bii u na le ye nkun.
- 2 Korint Yaab 1:9,10 Timi tibaa nan len ke ti ga kpo. Ni ḥa kina ke ti bee ke taan ḥmaa ter tibaa. Uwumbor u fikr binib nkun ni na baanja le ga ḥmaa ter timi. 10 U nyan timi ijawaan aakun ni, ki beenin nyani timi. Ti pak ke u ga ki nyan timi.
- 2 Korint Yaab 3:6 Uma le tii timi mpoon ke ti tuk binib waah puu tipuupoln ti na. Taa tuk bi ke bi yaa kaa kii Moses aakaal momok kan, bi ga kpo. Ti tuk bi ke Uwumbor Aafuur Nyaan le ga tii bi limofal. Ba pu? Moses aakaal mok timi ke ti ḥeer nkun, Uwumbor Aafuur Nyaan le tii timi limofal.
- Kolose Yaab 1:21,22 N-yoonn mbaa ni nan ye biwɔwɔm le Uwumbor chee. Ni nan dak ilandak i kaa ḥjan na, ki tun lituln li kaa ḥjan na, nima le ni nan ye Uwumbor aadim, 22 le dandana wee u cha ni ni uma ḥa kijotik; ba pu? Ujapoɔn nan kpo ni pu la. U nan kpo ni pu, ke ni li bi chain, ki li ye bininyaam, ki taa li kpa ngalm mubaa, bundaln u ga di nimi siin Uwumbor aanimbiin ni na.
- Hiibru Yaab 2:9 ti kan Yesu la. Uwumbor nan sunn u taab ki cha waatuuntiib jer u, ni yunn siib, aan u ti kpo binib momok pu, uma Uwumbor aanimbaasaln pu. Dandana wee ti kan ke waah jin nkun aafalaa na, Uwumbor di kipak ni liyimbil le di tii u.
- Hiibru Yaab 2:14,15 Tɔ, timi waabim aah ye binibɔm pu na, nima le uma Yesu mu kpali unibɔn, ke u nan kpo ki ḥa kinimbɔŋ ki nan kpa nkun aapoɔn na fam, 15 le ki gaa binib bimok san nkun ijawaan na lii; baayoonn momok nkun aajawaan nan joo bi.
- Hiibru Yaab 11:5 Enok nan gaa Uwumbor ki kii, nima le nan cha waa nan kpo. Uwumbor nan yoor u buen paacham la. Ubaa aa ki kan u; ba pu? Uwumbor nan yoor u buen paacham. Uwumbor aagban len ke buyoonn waa nan kee yoor u buen paacham na, u nan piir Uwumbor aasui.
- 1 Piita 3:18 Ba pu? Kristo ubaa nan kpo nfum mbaa timi aatunwanbir pu. Kristo u ye uninyaan na nan kpo timi bi ye tiniwanbir na pu, ke u di ti ni Uwumbor kpaan. Bi nan ku waawon, le waawiin kan limofapɔln,
- 2 Piita 1:3 Waapoɔnsakpiin pu, le u tii timi tiwan nimok ga ter timi ke ti kan limofal ki dii u mbamɔn na. Taah nyi u pu na, nima le cha u tii timi. U nan mok timi ke u ḥjan sakpen, ki kpa mbimbinyaan, ki yin timi ke ti dii u,
- 1 Jɔnn 3:14 Taah gee tinaabitiib na, nima le cha ti bee ke ti nyan nkun ni, ki kpa limofal li kaa kpa ndoon na. Unii umok kaa gee una aabo na, u beenin bi nkun ni la.
- 1 Jɔnn 5:11 Uwumbor aah len pu na le ye ke u tii timi limofal li kaa kpa ndoon na, ke limofal ngbaan bi Ujapoɔn ni.
- Tibɔkpiirkaan 21:6 Le u ka libɔrjal pu na bui mi ke, "Ni ḥa kina a. Min le ye Alfa ni Omega, mpiin ni ndoon ngbaan. Unii umok nnyunyuu chuu u na, m ga tii u limofal aanyun, le waan pa nibaa.